

SO WHAT *What is the relevance of the Word to my life?*

- Anu-anong mga natatanging talento at kakayahan ang tingin mo'y kaloob ng Diyos sa iyo? Ano ang sinasabi ng ibang taong kaloob sa iyo?
- Papaano ka na nakapaglingkod sa kapwa gamit ang iyong mga talento?
- Sa palagay mo, nagagamit mo ba ang iyong mga kaloob sa iyong trabaho, eskwelahan, o sa bahay? Bakit?

NOW WHAT

How do I apply the Word to my life?

- Aling mga talento o kakayahan ang sa tingin mo'y kailangan mo pang pagbutihin? Papaano mo pa mapalalago ang mga ito?
- May mga talento ka ba o kakayahang tinatago o hindi binabahagi sa iba? Papaano at saan ka makakapagsimulang gamitin ang mga ito upang paglingkuran ang kapwa?
- Sa mga talentong madalas mong nagagamit, papaano ka pa mas magiging tapat sa pagbabahagi ng mga ito?

PRAYER

- Manalangin na matuklasan mo't magamit ng lubos ang mga kaloob ng Diyos sa iyo.
- Humiling sa Diyos ng kalakasan, kakayahan, at karunungan kung papaano mo magagamit ang mga kaloob mo sa paglilingkod sa Kanya at sa mga tao sa pagilid mo.
- Magdasal na bigyan ka ng higit na katapatan at kababaang-loob sa paglilingkod mo sa Diyos at sa kapwa.



VICTORY

Honor God. Make Disciples.

Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.
Karapatang Pag-aari © 2011 ng Every Nation Leadership Institute
Inilathala ng EVERY NATION PRODUCTIONS
P.O. Box 12229 Ortigas Center, Pasig City, Philippines

FILIPINO

Connect. Grow. Participate.

Connect. Grow. Participate.

iServe



Maglingkod Bilang Isang Katawan

Week 1

NOTES

[illegible]

CONNECT

- Ibahagi ang isang kwento ng serbisyo publiko na sa tingin mo'y karapatdapat na papurihan. Ano ang nagustuhan mo sa kwentong iyon?
- Magbigay ng isang mambabatas na hinahangaan mo at gusto mong gayahin sa kanyang paglilingkod. Bakit?
- May nagawa ka na bang paglilingkod noon at pinuri ka dahil dito? Ano ang naramdaman mo?

WORD

WHAT

What does the Bible say?

⁴Kung paanong ang katawan ay binubuo ng maraming bahagi at ang bawat bahagi ay may kanya-kanyang gawain, ⁵ganoon din tayong mga mananampalataya. Kahit na marami tayo, iisang katawan lang tayo kay Cristo, at magkakaugnay tayo sa isa't isa. ⁶Iba't iba ang kakayahang ibinigay sa atin ng Diyos ayon sa kanyang biyaya, kaya gamitin natin ang mga kaloob na iyan. Kung ang kaloob ng isang tao ay pagpapahayag ng salita ng Diyos, kailangang ipahayag niya ito ayon sa kanyang pananampalataya. ⁷Kung ang kaloob niya ay paglilingkod sa kapwa, maglingkod siya. Kung pagtuturo, magturo siya; ⁸kung pagpapayo, magpayo siya ng mabuti; kung pagbibigay, magbigay siya ng maluwag; kung pamumuno, mamuno siya nang buong sikap; at kung pagtulong sa nangangailangan, tumulong siya nang may kagalakan.

Roma 12:4-8

Nilikha tayo ng Diyos na magkakaiba at binigyan ng iba't ibang talento at kakayahan. Ano kaya ang dahilan sa paglikha Niya sa atin ng ganito at sa pagkaloob Niya ng mga talento? Gagabayan tayo ng aral na ito sa kung bakit at papaano natin magagamit ang mga kaloob sa atin ng Diyos.

- **Binigyan ng Diyos ang bawat isa sa atin ng mga kaloob.**

⁴May iba't iba tayong kaloob, ngunit iisa lang ang Espiritung pinagmulan nito. . . . ⁷Ang bawat isa ay binigyan ng kakayahan na nagpapakita na sumasakanya ang Banal na Espiritu, upang makatulong siya sa kapwa mananampalataya. . . . ¹¹Ngunit iisang Espiritu lang ang nagbigay ng lahat ng ito, at ipinamamahagi niya sa bawat tao ayon sa kanyang kagustuhan.

1 Corinto 12:4,7,11

Ang regalo ay isang bagay na libre at kusang binibigay. Ang bawat espirituwal na kaloob, natural na talento at kakayahan ay libreng binibigay ng Diyos. Sa Kanyang dunong, ibinahagi Niya ang iba't ibang talento sa Kanyang mga anak upang maisakatuparan nila ang Kanyang kalooban (Roma 12:4-8). Anu-ano ang mga kaloob ng Diyos sa iyo?

- **Bilang mga katiwala ng Diyos, dapat nating gamitin ang mga kaloob Niya nang may katapatan.**

¹⁰Binigyan ng Diyos ang bawat isa atin ng kaloob. Gamitin natin ito para sa ikabubuti ng lahat bilang mabubuting katiwala ng iba't ibang kaloob ng Diyos. ¹¹Ang binigyan ng kaloob sa pangangaral ay dapat mangaral ng salita ng Diyos. At ang binigyan ng kaloob para maglingkod ay dapat maglingkod ayon sa kakayahang ibinigay sa kanya ng Diyos, upang mapapurihan ang Diyos sa lahat ng ginagawa natin sa pamamagitan ni Jesu-Cristo. Makapangyarihan siya at karapat-dapat purihin magpakailanman! Amen.

1 Pedro 4:10,11

Ang isang katiwala ay tagapamahala ng pamamahay o lupain ng iba at sinisiguro niyang natutugunan ang lahat ng mga pangangailangan nito. Tulad nito, tayo ay mga katiwala ng mga talentong bigay ng Diyos sa atin, na pag-aari din Niyang talaga. Ibig sabihin nito'y kailangang maging tapat, maaasahan, at responsable tayo sa paglingkod sa Diyos at sa kapwa gamit ang mga ito (2 Cronica 19:9; Kawikaan 20:6; 28:20). Papaano ka naging tapat sa paggamit ng iyong talento?

- **Dapat nating gamitin ang mga kaloob ng Diyos sa paglilingkod sa kapwa.**

Maglingkod kayo nang may mabuting kalooban na para bang ang Panginoon mismo ang pinaglilingkuran n'yo at hindi ang tao.

Efeso 6:7

“Walang taong nagsindi ng ilaw at pagkatapos ay tatakpan ng takalan. Sa halip, inilalagay ang ilaw sa patungan upang magbigay-liwanag sa lahat ng nasa bahay.”

Mateo 5:15

Bawat tao ay may mga talento ngunit nakakalungkot isipin na ang karamiha'y tinatago lamang ang mga ito o ibinabahagi lamang sa iilang tao. Kung ano man ang dahilan natin sa pagtago ng ating mga talento, dapat nating isipin na ito ay hindi lamang para sa atin kundi para sa paglilingkod sa kapwa (Roma 12:7,11). Bakit pagdadamot ang pagtatago ng talento? Papaano naman nakakapaglingkod sa kapwa ang paggamit ng talento?